

Departamento di Cultura Aruba**Proyecto escolar 'Contacto Cultural Aruba' tabata exitoso****ORANJESTAD**

Departamento di Cultura Aruba (DCA) a tene e actividad di Contacto Cultural den su edificio. Treciendo asina alegria y hopi informacion tocante e cuater elementonan, awa, tera, aire(biento) y candela pa nos alumnonan di scol basico. For di diamars 16 di october tur mainta e alumnonan di diferente scol ta yega DCA. E programa ta inicia cu nos himno 'Aruba Dushi Tera', palabra di bonbini di Sr. drs. Siegfried Dumfries, director di DCA. Sigui pa canto y tur e alumnonan a canta cuater cantica, titula 'Nos Matanan', 'E Biento', 'Lama Caribe' y 'Nos Isla' relaciona cu e elementonan, bou direccion di Maybeline Arends Croes y acompaña pa grupo Cakiña bou direccion di Chencho Kelly. Nan a haya un splicacion chikito tocante e elementonan y pa despues bay cerca e diferente seccion.

DCA

DCA a presenta un video den un forma moderno tocante e cuater elementonan dirigi directo riba e hende y su relacion cu naturalesa. A mostra artefacto cu ta ser uza antes door di e indjannan relaciona cu tera. E cargamento di awa den



Alumnonan na DCA hunto cu Grupo Cakiña caminda nan a canta 4 cancion bao direccion di Maybeline Arends-Croes.

halifat (bari di palo) riba burico pa uzo di tur dia. Grot Guadirikiri y con tur e elementonan ta relaciona eyden. E importancia di biento pa cu un avion por move di un luga pa otro. E candela den su expresion total como solo y volcan den relacion cu tur e elementonan.

MUSEO ARCHEOLOGICO

E consehero educativo di museo a papia di e dos elementonan cu nan tin hopi di haci cun'e cu ta tera y awa. A splica di e facilidad di Museo mes. Su exposicionnan y e historia di 'Boc'l Brik'. Na final di su presentacion tabata ofrece e muchanan un stempel y tur mucha a

haya esaki hopi leuk.

SANTA ROSA

E empleadonan di Santa Rosa a presenta e cuater elemento y nan relacion cu naturalesa. Uno nan a presenta e molina di biento y su funcion relaciona cu e energia berde. Biento tin cu draai e molina pa e por pump e awa for di e pos cu e cunukero, criado di bestia ta haya e awa pa nan necesidad. Y nan a papia di e plantamento y importancia di esaki pa nos haya of cosecha nos propio alimento den cunucu. Tambe con prepara e tera pa haci'e fertil pa planta. Door di ara e tera y despues peña

esaki. E peñamento ta ora bo ta coba e tera un tiki y djey bo ta pasa un mashin riba dje cu ta peñ'e. Esaki ta habri e tera haci'e los pa ora di planta.

PARKE NACIONAL ARIKOK

E Park Ranger a duna splicacion tocante e parke, yobida di awasero, e bestianan manera cascabel, gonzalito, etc. Tocante di e relacion di e cuater elemento den nos naturalesa cu ta flora y fauna. Tambe a presenta un video. Varios ta e muchanan cu e comenta di a gusta e presentacion

topico cu a ser presenta pa asina amplia nan conocimiento.

UN PROYECTO ESCOLAR EXITOSO

Departamento di Cultura Aruba y conhuntamente cu tur e instancianan por mira atras riba un proyecto escolar exitoso. Contacto Cultural Aruba 2012 ta keda interesante. Ya tin un tema pa otro aña cu lo tuma luga den luna di october 2013.

Den un otro comunicado nos lo trece mas di e otro instancia participante.

Awe ainda for di 9'or di



Hobencita ricibiendo un stempel na DCA.

aki. Durante e maintanan aki e muchanan a gosa hopi y a haya hopi informacion. A mantene e meta principal pa duna oportunidad na tur scolnan participante pa haci pregunta riba cada

mainta te cu 12'or di merdia ta ultimo oportunidad pa presencia nos Contacto Cultural.

Cultura ta nos! E maneho cultural y su desaroyo ta DCA su compromiso cu Aruba. □